





















COLLOQUE  
ENTRE LE PAPE,  
L'EMPEREUR, ET  
autres Princes Catholiques,  
& les Iesuites.

*Avec le Roy de Boheme, les Princes  
Protestans & Estats Evangeliques  
d'Allemagne.*

Traduit du langage Bohemien  
en François.

---

M. DC. XX.

Case

F

39

, 326

1620002

THE NEWBERRY  
LIBRARY

# COLLOQUE ENTRE LE PAPE, L'EMPEREUR, ET autres Princes Catholiques, & les Iesuites.

*Avec le Roy de Boheme, les Princes  
Protestans & Estats Euangeliques  
d'Allemagne.*

*Les Iesuites.*

**S**IRE, N'avez vous pas soubigné, faict pu- Dan. 3. 6.  
blier, & confirmé par serment vn Edict, 6.  
Que chacun obeisse à la sainteté du Pape, inuo-  
que la Vierge Marie & les Saincts, & adore les Ima-  
ges? Or y a-il certains hommes Heretiques les-  
ques vous auez ordonnez sur les affaires du  
Royaume de Boheme qui ne tiennent conte de  
vous, ny de vostre Edict, ains mesprisent le Pa-  
pe, n'inuoquent point les Saincts, & n'hono-  
rent point leurs Images.

*L'Empereur.*

Il est vray, nul ne doit transgresser les Edicts Dan. 6.  
de l'Empire, & tous les Edicts & Ordonnances cap.  
que l'Empereur a arresté, doiuent estre irreuo-  
cables.

*Clefel, Conseiller de l'Empereur.*

Nous y ferons tout nostre possible, dressons Sapient. 2.  
leur des embusches, car il nous font beaucoup  
d'ennuy, & sont contraires à nos besongnes.  
Examinés les par iniures, afin que nous voyons

s'ils sont gens de bien & patiens.

*Les Bohémiens à Clefel.*

*Ngm. 22.* Pourquoi fais tu changer le cœur de l'Empereur.

*Les Silesiens.*

*Matth. 18.* Malheur à l'homme par qui scandale aduient: il vaudroit mieux pour Clefel, qu'il eust vne meule d'Asne pendue au col, & qu'il fust plongé au profond de la Mer.

*Les Estats d'Autriche à Clefel.*

*I. Roys 28.* Tu t'es vendu pour nous faire mal, & nous rendre contemptibles deuant l'Empereur, nostre Seigneur.

*Le Duc de Saxe à l'Empereur.*

*Matth. 25.* Iette le Seruiteur inutile és tenebres de dehors, l'a y aura pleur, & grincemens de dents.

*L'Electeur Palatin.*

*Prou. 26.* SIRE, iettez y aussi les Iesuittes; car leur voix est gracieuse, mais il y a en leur cœur sept abominations.

*L'Electeur de Brandebourg.*

*Esai. 57.* Il est vray, car ils couuent des Basilics, & tissent des toilles d'araignes: celuy qui mange de leurs œufs, en mourra: & si on les escrase il en sortira vne vipere, leur toile d'araigne n'est pas propre pour seruir de couverture: ils ne cognoissent point le chemin de paix: & n'y a point de iugement en leurs ornières.

*Les villes Imperiales.*

*Prou. 9.* Gratuité & verité conseruent l'Empereur, & son thrône sera affermy par iustice.

*Les Bohémiens à Clefel.*

*Esai. 14.* Tu pensois en ton cœur, ie monteray aux



Cieux, & surhausseray mon thrône par dessus les Estoilles du Dieu fort : ie monteray par dessus les hauts lieux des nuës : & seray semblable au Tres-haut : mais tu descendras és Enfers, au fin fonds de la fosse. Comment es tu cheute des Cieux Estoilles du Matin ? chacun dira, C'est l'est il le personnage qui faisoit trembler la terre, & qui esbranloit les Royaumes ?

*Les Silesiens.*

Nul ne menera dueil pour ta ruyne ; & ne se *Nahum. 3.*  
tourmentera de ta froissure : ains tous ceux qui l'orront claqueront des mains sur toy : car sur qui est-ce que ta mauuaistié n'est paruenüe.

*Le Pape.*

Nous aurons le dessus par nos langues ; no- *Psal. 12.*  
stre langue est en nostre puissance, Qui est Seigneur sur nous ?

*L'Empereur.*

J'ay iuré & ne m'en repentiray point ; i'hon- *Psal. 2.*  
noreray le Pape selon l'ordre de Melchisedec.

*Les Bohemiens.*

O Empereur, Nereiette point la voix de nos *Sirach. 4.*  
lamentations ; & ne destourne point ta face de nous tes pauvres sujets.

*Les Silesiens.*

Voicy tes seruiteurs sont battus, & ton peu- *Exod. 5.*  
ple est puny comme ayant péché.

*L'Empereur.*

Mon Pere a chargé sur vous vn ioug pesant, *1. Roys 1.*  
mais moy ie le rendray encor plus pesant, mon Pere vous a chastiez avec des punaises ; mais moy ie vous chastieray par des Scorpions.

*L'Autriche à l'Empereur.*

SIRE, ne soiez point en vostre maison com- *Sirach. 4.*



me vn Lyon, & ne molestez point vos sujets.

*Responſe de l'Empereur.*

*Exod. 5.* Vous eſtes de loisir, vous eſtes de loisir; allez, beſongnez: Paille ne vous ſera pas baillee, & ſi rendrez la quantité des bricques.

*Les Hongrois.*

*Joel. 1.* O Sire, pardonnez à voſtre peuple: N'expoſez point par guerre en opprobre voſtre heritage, la Hongrie, la Bohême & l'Autriche, tellement que l'Eſpagnol regne ſur eux.

*Spinola à l'Empereur.*

*Pſal. 150.* Je mettray les Bohémiens pour ſcabeaux de tes pieds. *Les Suiffes aux Bohemiens.*

*Joel. 2.* Ne craignez point enfans du pays, ains eſgayez vous & vous eſiouyſſez, car l'Eternel peut faire choſes grandes.

*L'Empereur.*

*Malach. 2.* Le ſils doit honorer le Pere, & le ſerviteur ſon Seigneur: Si donc ie ſuis voſtre Pere, où eſt mon honneur: & ſi ie ſuis voſtre Seigneur, où eſt la crainte de moy?

*Les Bohemiens.*

*Luc. 6.* Pourtant ſoyez miſericordieux, comme auſſi voſtre Pere: l'Empereur Maximilian a eſté miſericordieux. *L'Empereur.*

*Iean. 10.* Si ie ne fay les œuvres de mon Pere ne me croyez pas.

*Les Bohemiens.*

*2. Samuel. 7.* Voicy nous ſommes voſtre heritage, meſmes par cy deuant, quand Rudolph eſtoit Roy ſur nous, vous meniez les Bohemiens ça & là: & le Seigneur vous a dict: Tu garderas mon peuple de Boheme, & ſeras Prince ſur l'Autriche.

*Les Bohemiens encor.*

Pourquoy donc vous laissez vous abuser & *2. Cor. 15.*  
corrompre vos bonnes mœurs par mauuais  
propos. *Le Pape.*

Racle les meschans Bohemiens du pays, afin *Deut. 19.*  
que les autres Heretiques oyans cela craignent,  
& dorefnauant ne fassent plus selon ce méchant  
acte là au milieu de toy.

*L'Empereur.*

Je retrancheray de bon matin tous les re- *Psal. 110.*  
belles du pays, afin d'exterminer de mes Royau-  
mes tous les Heretiques.

*Les Venitiens.*

Ne sçavez-vous pas de quel pere vous estes *Luc. 9.*  
enfantez, vostre charge n'est pas pour perdre les  
ames des hommes, ains pour les sauuer.

*Les Estats Euangeliques.*

Qui est semblable au Pape, & qui pourra cō- *Apoc. 13.*  
batre cōtre luy? Il luy a esté baillé de faire guer-  
re contre les Saints, & les vaincre. Il luy a esté  
baillé puissance sur toute Tribu, langue & Na-  
tion; Tous ceux qui habitent sur la terre l'ado-  
rent, luy baissent les pieds, les noms desquels ne  
sont point escripts au liure de vie de l'Agneau: Il  
donne à vn chacun vne marque en sa main  
droite ou en son front.

*L'Esleeteur de Mayance au Pape.*

Tres-sainct Pere, ie te prie que ma face ne soit *1. Roys 2.*  
point confuse; Je te prie permets qu'Abisag  
donne femme à mon frere.

*Le Pape.*

Je luy donneray toutes ces choses, & beau- *Matth. 4.*  
coup d'auantage s'il se prosterne en terre, &  
qu'il m'adore.

*Le Pape.*

Demande moy & ie te donneray pour ton heritage les nations, & pour ta possession plusieurs pays.

*Le Duc de Neubourg à l'Electeur Palatin.*

*Psalm. 2.* Je suis ton fils, tu m'as esleué.

*L'Electeur palatin.*

*Apoc. 14.* Je cognois tes œuures, que tu n'es ny froid ny chaud, & que tu ne deuies ny froid ny chaud: mais puis que tu es tiede ie te vomiray de ma bouche. *Les villes Asiaticques.*

*Apoc. 14.* Si quelqu'un adore la beste, & prend sa marque en son frond ou en sa main, il boira du vin de l'ire de Dieu, & sera tourmenté de feu & de soulfhre eternellement, & n'aura repos ny iour ny nuit. *Les Iesuites au Pape.*

*Luc. 9.* Seigneur veux tu que nous disions que le feu descende du Ciel & les consume comme aussi fit Elie. *Gennes.*

*Luc. 6.* Ce que vous voulez que les hommes vous fassent, faictes leur aussi semblablement.

*L'Empereur.*

*Psalm. 2.* Je les froisseray d'un sceptre de fer & les mettray en pieces comme un vaisseau de Potier.

*Berthelem Gabor.*

*Esai. 52.* La fureur du Roy est le message de mort: mais l'homme sage l'appaisera; C'est vie que le visage serain du Roy, & sa faueur est come la pluye du soir. *Le Roy d'Angleterre.*

*Prov. 16.* Les Princes doiuent auoir des pensees de Princes, faire iustice & s'y delecter.

*Le Roy de Danemarck.*

*Choisy.*



Choisi icy d'entre tous peuples des hommes vertueux craignans Dieu, veritables & hayssans le gain deshonneſte, & les eſtablys sur tes ſujets, ils te ſoulageront, & tout le peuple arriuera en bonne proſperité en ſon lieu. *Exod. 18.*

*Le Roy de Suede.*

Le droit ſera eſclaircy comme l'eau, & la iuſtice comme vn fort courant. *Amos. 9.*

*Le Roy de Pologne.*

Le ſage Roy diſſipe les Heretiques, & faiſt venir ſur eux la vengeance.

*L'Empereur au Roy d'Eſpagne.*

Veux-tu deſcendre avec moy en guerre contre Ramoth de Galaad. *I. Roys. 11.*

*Le Roy d'Eſpagne.*

Je ſeray comme toy, & mon peuple comme le tien, & mes cheuaux comme les tiens, y a-il point de Prophete icy pour nous en enquerir. *Idem.*

*Les Ieſuites.*

Faiſtes des cornes de fer, & dirent, Avec cecy combattrez vous les Bohemiens tant que vous les ayez deſtruits, Allez en paix. *Ibidem.*

*D'autres Ieſuites.*

Je vis l'armee de l'Empereur eſparſe ſur les montagnes de Boheme, comme les brebis qui n'ont point de Berger. *Ibidem.*

*Vienne en Auſtriche.*

On oyt vne voix lamentable, & vn pleur tres-amer en Auſtriche, l'Empereur pleure *Ierem. 32.*

son armee, & ne veut estre consolé.

*Les Suisses.*

*Sapient. 11.* Parce que l'homme peche, il sera aussi puny.

*Ferdinand, l'Archiduc d'Autriche.*

*Iug. 9.* Est il ainsi que vous m'auez oingt pour estre Roy sur vous; Venez & vous asseurez sous l'ombre de mes ailes: sinon que le feu sort du buisson, & consume le pais de Boheme.

*Les Bohemiens.*

*Actes. 4.* Iugez vous-mesmes s'il est iuste deuant Dieu, de vous obeir plustost qu'à Dieu,

*Les Silesiens.*

*Iosue 24.* Ia n'aduienne que nous abandonnions le Seigneur nostre Dieu, & que nous seruions au Pape.

*Les Hongrois a Ferdinand.*

*Math. 6.* Cherchez premierement le Royaume de Dieu & la iustice, & tu pourras obtenir les autres Royaumes de Hongrie & de Boheme, & l'Empire d'Allemagne.

*Spinola.*

*3. Roys 18.* Quelle est ceste confiance, de laquelle vous vous confiez? Pensez-vous que vous ayez encor du conseil & de la force pour combattre: où vous fiez-vous sur le roseau rompu des Princes & Estats Euangeliques.

*Les Bohemiens.*

*Esai. 46* Dieu est nostre recours & nostre force, es secours & grandes destresses, qui nous ad-



uiennent ; car le Seigneur l'Eternel est avec nous.

*Le Comte de Bucquoy.*

Ainsi a dit le grand Roy, le Roy d'Espagne, *2. Roys 19.*  
faictes gracieux appointment avec l'Empereur & moy: Les Roys de l'Amerique & des Indes ont-ils peu deliurer vn chacun leur païs de la main du Roy d'Espagne? Qui possede les Royaumes de Nauarre & de Portugal? Qui est Roy de Sicile & de Naples? Les Roys de France n'ont ils pas esprouué sa puissance? Où sont les Princes de Milan, & les puissantes Prouinces des païs bas.

*Les Bohemiens.*

Nous ne craindrons point pour les paro- *Iob 40. 41.*  
les que nous auons entenduë: car ils tomberont par l'espee en leur propre païs.

*La Lusace.*

Las Seigneur Dieu, destruy le Bøhemoth, *Psal. 97.*  
& mets au Leuiathan vne boucle en ses narines.

*Les Bohemiens.*

Soient confus tous ceux qui seruent aux *Luc. 21.*  
Images, & qui se glorifient aux Idoles.

*Les Euesques a l'Empereur.*

Seigneur frapperons nous aussi de l'espee. *Malac. 1.*

*Responce de l'Empereur.*

Je ne prends point de plaisir en vous, dit *1. Sam. 15.*  
le Seigneur, les oblations de vos mains ne

me, sont point agreables, vostre entreprise m'est abomination.

*Leopold Euesque de Passau.*

1. Samuel 15. Ainsi me face Dieu, & encor plus aux ennemis del'Empereur, si dans vn an ie laisse de reste vn seul de ses rebelles qui pisse contre la paroy de tout ce qu'ils ont.

*Ceux de Passau à Leopold.*

Math. 26. Pierre remets ton glaue en son lieu, car qui prend le glaue perira par le glaue, où penſes-tu que les Bohemiens ne puissent prier leur pere Celeste qu'il leur enuoye plus de douze legions d'Anes.

*L'Eſlecteur de Mayance.*

1. Sam. 2. Quiconque debat avec l'Empereur ſera froiſſé.

*L'Eſlecteur de Treues.*

Idem. Si quelqu'un peche contre vn Prince, l'Empereur en peut iuger : Mais si quelqu'un peche contre l'Empereur, qui fera priere pour luy?

*A eux meſmes.*

Marc 10. Vous ſçauiez que les Roys & Princes de ce monde dominant, & les puiſſans d'entre eux, vſent d'autorité : mais il ne ſera point ainſi entre vous.

*L'Eſlecteur de Collogne.*

2. Samuel 15. L'Eternel eſt viuant en quelque lieu qu'il ſoit, le Seigneur noſtre Empereur, ſoit en la vie, ſoit en la mort, nous y ſerons auſſi.

*Les villes Imperiales Euangeliques.*

Iusques à tant iugerez-vous iniustement, *Psalm. 82.*  
 & aurez-vous esgard à l'apprence de la  
 personne des meschans? Helas vous estes  
 bien Dieux & enfans du souuerain; Toutes-  
 fois vous mourrez comme hommes, & pe-  
 rirez comme vn Tyran.

*L'Esleeteur Palatin.*

Ie n'entreprends point chose meschante, *Psalm. 101.*  
 ie chemine prudemment & iustement avec  
 ceux qui sont miens, & me porte loyaumēt  
 en ma maison. Mes veux prennent garde  
 aux gens de bien du Pays, à fin qu'ils de-  
 meurent avec moy, & i'ay volontiers des  
 seruiteurs qui cheminent droitement.

*L'Esleeteur de Saxe.*

Ma corne sera esleuee comme celle d'v- *Psalm. 92.*  
 ne licorne, & seray oingt d'huyle de lieffe.

*L'Esleeteur de Brandebourg.*

Seigneur leue toy en ton ire, esleue toy *Psalm. 7.*  
 sur les furies de mes ennemis; Ayde moy à  
 recouurer le pays que tu m'as donné en  
 charge.

*Le Duc de Neubourg.*

Nostre Duché de Cleues & Iuliers est *Mich. 12.*  
 ruynee, le pays de nostre peuple combat  
 pour vn Seigneur estranger: Quand nous  
 rendra l'Espagnol les villes qu'il nous a  
 prinſes.

*M, L, Z, H.*

Dieu a dit vne parole, & iel'ayouy vne *Psal. 26. 56.*



fois, que Dieu seul est puissant sur laquelle  
m'asseure, & n'ay point de peur: Que me  
peuvent faire les hommes?

*Le Duc de Bauieres*

*Matth. 22.*

Donnez à Cesar ce qui appartient à Cesar  
& à Dieu ce qui appartient à Dieu.

*Le Duc de Vitemberg.*

*1. Roys. 18.*

Jusques à quand clocherez-vous des  
deux costez? Si l'Eternel est Dieu suyuez-le:  
mais si Baal est Dieu suiuez-le.

*Le Duc de Bruschwich.*

*Prou. 36.*

Il y a trois choses qui vont vn beau mar-  
cher, voire quatre qui vont vne belle des-  
marche: Le Lyon, le plus fort d'entre les  
bestes, lequel ne tourne point en arriere  
pour la rencontre de qui que ce soit: le vent  
qui vient d'un bon pays; Vn bouc & vn  
Roy, auquel nul n'ose s'opposer: mais quād  
on presse le laiët on faiët sortir le beurre, &  
celuy qui presse le nez faiët sortir le sang;  
aussi celuy qui presse la colere faiët sortir la  
noise.

*Le Marquis d'Anspach a l'Empereur.*

*Psal. 18.*

Enuers les sainëts tu es sainët, tu es bon  
aux bons, & enuers les rebours tu te mon-  
stre rebours.

*Le Marquis de Dourlach.*

*Prou. 26,*

Oste la meschanceté de l'Empereur & de  
la maison d'Austriche, son thrône sera affer-  
my par iustice.

*Le Comte de Holstein.*

A qui aura esté beaucoup baillé, luy fera *Luc. 12.*  
beaucoup redemandé ; & à qui aura esté  
beaucoup commis Dieu redemádera beau-  
coup.

*Le Duc de Mechelboing.*

Les pacifiques & debonnairez possede- *Dan. 7.*  
ront le Royaume, & en iouyront eternelle-  
ment.

*Les Iesuites au Pape.*

Seigneur, Seigneur nous auons propheti- *Matth. 7.*  
sé en ton nom contre les heretiques ; Nous  
auons dechassé les Princes du pays de Iu-  
liers, pressé les Venitiens, guerroyé la Sa-  
uoye, dressé en Hollande trahison : en Bohe-  
me horrible effusion de sang, & en Austri-  
che effroy & espouuantement. Nous fe-  
rons aussi en ton Nom des œures meruei-  
leuses entre les Princes & Estats voisins.

*Le Pape.*

Venez les benits de par moy, possédez en *Matth. 25.*  
heritage le Royaume qui vous est préparé  
en mon feu de Purgatoire dès le commen-  
cement.

*L'Euesque de Spire.*

Les renards ont leurs fosses, & les oy- *Luc. 5.*  
seaux des Cieux ont leurs nids : Mais ton  
seruiteur n'a pas tant de forteresses qu'il y  
puisse reposer sa teste en assurance.

*L'Euesque de Wormes.*

Pere Saint ayde moy, & me deliure *Psal. 22.*



de la fureur du Lyon d'or.

*L'Euesque de saltzbourg, avec les autres  
Euesques.*

Le rugissement du Lyon iaune, & la voye  
des Lyons confederez, & les dents des au-  
tres Lyons trauerferont grandemēt la puis-  
sance Espagnole.

*Responce.*

*Psal. 33.*

Le Seigneur met à neant le conseil des  
hommes, & change les pensees des peuples:  
La grande force de l'Espagnol ne l'aydera  
pas, & les peuples ne seront pas deliurez  
par leur grande vertu.

*Le Pape.*

*Psal. 33.*

Exterminons aussi du tout les Suisses  
Euangeliques tant qu'ils ne soient plus peu-  
ples: & que leur nom ne soit plus en l'Em-  
pire: Dressons des entreprises subtiles con-  
tre eux, & prenons leurs forteresses.

*Geneue au Pape.*

*Psal. 2.*

Mais celuy qui habite au Ciel se moc-  
que de vous, & le Seigneur en rira.

*Berne.*

*Iob 5.*

Dieu met à neant par le Duc de Sa-  
uoye les entreprises des cauteleux, de sorte  
que leur main ne les peut executer: Il sur-  
prend nos patriures alliez en leurs ruses, &  
renuerse le conseil d'Espagne: Il nous deli-  
ra du glaive du Lorrain, de la main des Ita-  
liens, de la bouche du Bauarrois, de la puis-  
sance de la maison d'Autriche, il est nostre  
esperance,

esperance, de forte que le Pape aura la bouche close.

*Zurich.*

O Dieu espens ta fureur sur l'Espagne *psalm. 97.*  
qui ne te cognoit point : & sur les hommes  
qui n'inuoquent point ton nom: Que le ge-  
missement des oppressez paruienne iusques  
à toy & par ton bras puissant preferue ceux  
qui sont ja voüez à la mort , & rends à nos  
Princes voyfins en leur sein sept fois au  
double leur blasme & perfidie: Mais nous  
ton peuple, & les brebis de ta pasture, te  
remercions pour iamais, annonçons ta  
loüange d'aage en aage, de ce que tu as dé-  
couuert par le Duc de Sauoye leur traistre  
& sanglant dessein.

*Les Estats des Princes Vnis.*

O Dieu verse mespris sur les Princes *Iob. 12.*  
ennemis de ton Nom, & destache le lien des  
forts: Oste le cœur de leurs conducteurs, &  
les fais vaguer où il ny a point de chemin.

*Les Bohemiens.*

Brisons leurs liens, & iettons loin de nous *psalm. 2.*  
leurs cordes.

*Le Conseil de l'Empereur.*

Vous estes maintenant fort cois, gar. *1. Samuel. 16.*

dez que vous ne rameniez l'Empeſeur en  
paix.

*Les Siléſiens*

*Iob. 8.*

Ainſi en prend il à tous ceux qui ou-  
blient Dieu & leur ferment, & l'eſperance  
des hypocrites ſera perduë: car l'aſſurance  
des pariures perira; & l'eſperance de la So-  
cieté eſt comme vne toille d'araigne.

*Les Bohémiens.*

*Nahum. 1.*

Qu'ils viennent ſi bien equipez & ſi  
forts qu'ils voudront, ſi ſeront-ils taillez en  
pieces, & defaudent: car le Seigneur eſt  
bon, & eſt vne forterefſe au temps de de-  
ſtreſſe, & cognoiſt ceux qui ſe confient en  
luy: mais il faiſt que les tenebres pourſui-  
uent ſes ennemis.

*Le Peuple.*

*1. Sam. 8.*

Or ça qu'il y ait vn autre Roy ſur nous  
pour nous iuger, & qui ſorte deuant nous  
pour conduire des armées.

*Les Bohémiens à l'Eſlecteur de Saxe.*

*Iug. 9.*

Sois noſtre Roy.

*Reſponce.*

Quitteroy-ie mon bon vin qui reſiouit  
les Dieux & les hommes, à fin que i'aille tra-



casser pour les autres arbres ? Je vous remercie.

*Les Bohemiens a l'Esleeteur de Brandembourg.*

Sois nostre Roy.

2. Sam. 15.

*Responce.*

Quiteroy ie ma graisse pour laquelle ie suis prisee des hommes , à fin que i'aïlle traccasser pour les autres arbres , ie vous remercie. Toutesfois si ie trouue grace enuers le Seigneur, & m'oigne pour Roy sur vous, me voicy , qu'il face de moy comme il luy semblera bon.

*Les Bohemiens & Silesiens.*

Voyla celuy que le Seigneur a choisi : car il n'y en a point de semblable en tout le peuple.

1. Sam. 10.

*Le Peuple.*

Viue le Roy.

Iug. 6.

*Dieu a l'Esleeteur Palatin.*

Va avec ceste tienne force ; Tu deliure-  
ras la Boheme des mains de ses ennemis, ne t'ay-ie pas oingt ?

Psalm. 9.

## Le Prince Maurice.

Psal. 9.

Je m'esioüy Seigneur, & m'esgayé en  
 toy, & psalmodié à ton Nom: pource que  
 tu as faict retourner mes ennemis en arrie-  
 re, ils sont tresbuche & peris deuant ta fa-  
 ce: car tu me fais droit & iustice, tu t'es assis  
 au thrône comme iuste Iuge: Seigneur le-  
 ue-toy, à fin que l'Espagnol ne se renforce;  
 Que tous ses adhéran's soient iugez deuant  
 ta face! Eternel donne leur vn maistre, à fin  
 que tous tes haineux cognoissent qu'ils sont  
 hommes.

## Tous les Estats.

Sap. 6.

L'iniustice degaste le pais, & le mau-  
 uais pays renuerse les trônes des puissants:  
 toy donc ô Empereur escoute, & prends  
 garde, toy Roy de Thubal, prestez l'oreil-  
 le, vous qui gouuernez les peuples, car  
 puissance vous est données par le Seigneur,  
 & principaux par le Souuerain: lequel fera  
 enqueste de vostre taint, & sondera vos  
 voyes: Car vous estes les Ministres de son  
 Royaume: mais vous ne cheminez pas droi-  
 tement & ne faictes point de droit selon  
 quel'Eternel a ordonné, il vous apparoitra  
 bien tost avec horreur, & iugement rigou-  
 reux, sera fait de vous.



## DIEV.

En ce iour là , ie mettray en effect contre l'Empereur tout ce que i'ay dit touchant la maison d'Austriche , commençant & acheuant ; car i'ay dit, que ie m'en vay estre Iuge de sa maison pour iamais , à cause de l'iniquité qu'il a cogneuë , à scauoir que ses officiers se sont comporteز avec infamie , & il ne les en a reprimeز vne seule fois.

1. Sam. 3.

F I N.















